

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málgaðn Kommúnistaflokks Íslands/Marxista-Lenínista

31 tölublað

Þriðjudagur 6.11. 1979

8. árgangur

Kr. 200.-

Kemur verkafólki pólitíska baráttan ekki við?

Umræðufundur samtakanna til vinstri við Alþýðubandalagið, sem haldnir voru að frumkvæði Kommúnistaflokksins fyrir skemmstu, opinberuðu ljóslega þá fagfélagshyggju sem svífur yfir vötnunum í íslenskri vinstrihreyfingu. Margir formælendur Fylkingarinnar og EIKm-l á fundi sem haldinn var í Þjóðleikhúskjallaranum 28. október s.l. þræddu hinn breiða veg fagfélagshyggjunnar samviskusamlega í málflutningi sínum. Einkum bar þó á tvennu í málflutningi þessara aðila.

"Gerum byltinguna í þessum kosningum".

Þessi merkilegu ummæli lét Ragnar Stefánsson, formaður Fylkingarinnar falla á ofanefndum fundi og ítrekaði um leið þá skoðun flokksbræðra sinna, að þátttaka Fylkingarinnar væri til þess eins að kynna heildarstefnu samtakanna. Ragnar sakaði Kommúnistaflokkinn um að vilja þynna út marxíska pólitík í sameiginlegu framboði þessara samtaka (þ.e. Fylkingarinnar, EIKm-l og Kommúnistaflokksins) og taldi að ágreinings-efnin væru svo mörg og djúpstæð, að ekki yrði unnt að leysa þau fyrir kosningarnar. Hugmyndir Kommúnistaflokksins gengu aldrei út á það, að "endanleg lausn" fengist á mállefnum og deiluefnum þessara samtaka. Flokkurinn lét hins vegar þá ósk í ljós, að forvígismenn þeirra gerðu sér ljóst, að framundan eru hörð stéttaátök og aukin harka íhaldsins gegn verkafólks-hreyfingunni. Í ljósi þeirrar stað-

reyndar vildi Kommúnistaflokkurinn fylkja sem flestum vinstriðinum til sameinaðs átaks gegn sameiginlegum óvini, hætta hártogunum og deilum yfir smærri atriðum og snúa bókum saman gegn auðstéttinni. Þótt deilumálin yrðu ekki leyst, hefði mátt skapa málfnasamning sem hægt hefði verið að safna baráttusinum kringum og efla andstöðuna gegn aukinni hægrisveiflu í þjóðfélaginu. En

Fylkingin hefur allt annað í huga. Pólitískt mat hennar er það, að í því umróti sem skapast hefur við stjórnsrættið, geti hún skákað til sín hálfu hundraði atkvæða til viðbótar af óánægðum Alþýðubandalagsmönnum. Slíkt mat er bæði eiginhagsmunasinnuð og þröngsynt, því þegar fram líða stundir munu slík óánægjuatkvæði ekki megna sín mikilsjafnvel þótt þau hafi verið greidd byltingarsinnaðri heild-

arstefnu Fylkingarinnar.

"Að gera byltinguna í þessum kosningum" með hreinfræðilegri bókakynningu, er ekki aðeins pólitískur barnaskapur, heldur beinlínis hættulegt í núverandi ástandi. Það er full þörf sameiningar hinna róttæku afla, en almenningur hefur lítið gagn af fræðilegum lestri vinstri samtakanna.

framhald á síðu 2



Þessi fundur er árangur sameiginlegra aðgerða EIK og KFÍ á 1. maí '76.

Afstaða KFÍ/ML til kosninganna

Að undanförunu hafa farið fram umræður innan Kommúnistaflokksins um þá einangrunarstefnu sem ríkir í vinstrihreyfingunni og hvað sé þar til úrbóta.

Þegar skyndilega spurðist um stjórnsrættið og væntanlegar alþingiskosningar, ræddi miðstjórnin ástandið og taldi rétt að reyna að stefna að sem víðtækustu framboði sósíalista. Þær tilraunir báru ekki árangur eins og fram kemur annars staðar í blaðinu.

Þegar sú niðurstaða lá fyrir mátu félagar Kommúnistaflokksins aðstæður og ákváðu að þjóð ekki fram nú.

Afstaða KFÍ/ML til borgara-

legu flokkanna fjögurra er löng kunn. Við teljum alla þessa flokka ganga beinna erinda auðvaldsins, munurinn felist aðeins í mismunandi tökum á verkafólks-hreyfingunni til að koma fram árásum á kjör og réttindi alþýðunnar. Ljóst er því að Kommúnistaflokkurinn hvetur fólk til að kjósa ekki þá flokka.

Varðandi Fylkinguna kom sú spurning upp hvort stuðningur við hana væri ekki andóf við stefnu borgaralegu flokkanna. Því verður því miður að hafna. Í undangengnum umræðum hefur það komið berlega í ljós að Fylkingin hefur ekki hug á að efla vinstri hreyfinguna á

Íslandi, heldur virðist hún algjörlega sátta við það hlutverk sitt að vera vesall þrýstihópur á Alþýðubandalagið, sem gefur fólki kost á sýndarmótæmum í Reykjavík en styður Alþýðubandalagið annars. Fylkingin þjónar því nú sem hvert annað hundsskott á alþýðubandalagsrassi. Fylkingin verður að gera upp við það hlutverk sitt og ganga til liðs við önnur róttæk öfl. Fyrir en hún gerir það verður ekki lítið á hana sem valkost.

Kommúnistaflokkurinn telur að kommúnistar eigi að taka þátt í þingkosningum þegar þess er kostur, rétt eins og öðrum þjóð-

frh. á síðu 2

Verðtryggð lán: Eru þau hagstæðari?

Áður hefur í Stb. verið fjallað um hin nýju verðtryggðu lán sem nú er almennt verið að taka upp. Því er haldið fram af hálfu þeirra sem að þessari breytingu standa, að verðtryggð lán verði lántakandanum hagstæðari en núverandi lánakjör þjóða uppá. En ef dæmin sem okkur eru borin á borð eru skoðuð gaumgæfilega kemur í ljós að þarna eru á ferðinni svo gífurlegar rangfærslur að sérhverjum samilega síðuðum og heiðarlegum manni hlýtur að blöskra. Lífum á töflu sem gerð hefur verið af hinu opinbera (Húsnæðismálastofnun).

Dálkur I. er yfir lán til 21. árs, afborgunarlaust 1sta árið. Vextir eru 25%.

Dálkur II er yfir 25 ára lán, 100% verðtryggð, vextir 2%, vísitölhækkunin er gefin 30% á ári.

Dálkur III er yfir 25 ára lán, 65% verðtryggð, vextir 9,75%, vísitölhækkun er gefin 30% á ári.

Dálkur 4 er yfir kaup sem í upphafi lánstímabils er 220.000. Gefin er 30% vísitölhækkun á ári.

Lánið er 3.000.000. - í öllum dæmunum.

framhald á síðu 3

LEIDARI

Hreyfingin til vinstri við Alþýðubandalagið

Nýlega var gerð markverðasta tilraunin til sam-
einingar vinstri afla gagn hinna miklu hægri þróun
sem á sér stað meðal allra stjórnmálaflokka, ekki
síst Alþýðubandalagsins.

Fulltrúar Kommúnistaflokks Íslands höfðu for-
göngu um þessa tilraun til að mynda sameiginlegt
framboð samtaka til vinstri við Alþýðubandalagið.

Þrátt fyrir að ekkert hafi orðið úr sameiginlegu
framboði, sem ber vissulega að harma, þá leiddu
viðræðurnar í ljós að samstarfsgrundvöllur er milli
þessara samtaka.

Nú þegar er stefnt að auknu samstarfi innan ým-
issa fjöldahreyfinga.

Því ber að fagna.

Öll þessi samtök hafa yfirlýst sömu markmið, að
byggja sósíalisma á Íslandi, en greinir að vissu
leyti á um leiðir til markmiðsins, auk ágreinings í
nokkrum málum.

Í vaxandi mæli hafa menn á hinn bóginn gert sér
grein fyrir að þessi ágreiningur er ekki það mikill
að hann eigi að vera þrándur í götu náins samstarfs.
Hér er ekki verið að gera lítið úr þessum ágreiningi
en við verðum að varast að gera meira úr honum en
efni standa til. En það er einmitt það sem þessi
samtök hafa gert undanfarin ár.

Mörg ágreiningsefni eru þess eðlis að þau skipta
litlu máli í dag, hvað sem gæti orðið.

Þrenn samtök sem öll stefna að þessu sama marki
hljóta að vera til trafala fyrir því starfi að skipu
leggja fjöldann til baráttu fyrir sósíalísku þjóðfélagi.

Kommúnistaflokkur Íslands hvetur til náins sam-
starfs þessara samtaka í sem flestum málum.

Kommúnistaflokkurinn hvetur einnig til stofnunar
rits, gefnu út af þessum samtökum sameiginlega,
sem gæti orðið vettvangur fyrir umræðu um fræði-
legan og starfrænan ágreining.

Slíkt samstarf má ekki vera einungis á milli sam-
takanna þriggja heldur verður einnig að fá óflokks-
bundna vinstrimenn með í slíkt starf, raunar alla þá
sem hafa þetta markmið: sósíalisma á Íslandi.

Það er hæpin röksemd í þessu sambandi að líta til
Alþýðubandalagsins sem brjóstvirkis sósíalista.
Þeim fer ört fækkandi sem trúa því í alvöru að for-
ysta Alþýðubandalagsins hafi áhuga á að stefna í átt
til sósíalisma. Enda má segja að þeir hafi verið ó-
þreytandi við að leiða fólk í sanninn um að þeir hafi
ekki í hyggju að hrófla neitt við völdum auðmanna í
landinu.

Saga róttækrar vinstri-hreyfingar undanfarin ár er
næsta sorgleg. Tíma og kröftum hefur verið eytt í
innbyrðis deilur, oft um einskisverð atriði.

Framtíð róttækrar vinstri-hreyfingar markast af
því hvort hún hefur þrek og þor til að draga réttar
ályktanir af starfi undanfarinna ára.

Alyktun frá SÍNE

Sumarþing SÍNE, haldið 29. júlí
í Reykjavík, skorar á alþingis-
menn að samþykkja framvarp til
breytinga á lögum um námslán og
námsstyrki er lagt hefur verið
fram á þingi. Nái það fram að
ganga mun það marka tímamót í
sögu baráttunnar fyrir jafnrétti
til náms. Allar götur síðan lögin
um námslán voru sett, hafa náms-
menn sett þá kröfu á oddinn að
staðið yrði við stefnuákvæði lag-

anna þess efnis að námslán nægi
til framfærslu námsmanna. Sú
barátta hefur staðið nú í u.þ.b.
tölf ár án árangurs, þótt stjórn-
málaflokkarnir hafi verið ósparir
á stuðning sinn fyrir þingkosning-
ar þegar þeir hafa þurft á atkvæð-
um námsmanna að aðhlaða. Mál er
að þingmenn gerist ábyrgir loforð
sinna.

(Fréttatilkynning frá SÍNE)

Afstaða KFI/ML til kosninganna

franhald af forsiðu

málaátökum. Hins vegar snýst
ekki allt starf Kommúnistaflokks-
ins um kosningaundirbúning og
atkvæðatölur.

Síðan kosningar voru fyrir ári
síðan hefur ástandið í vinstri
hreyfingunni ekki breyst til
batnaðar og því von á svipuðum
niðurstöðum. Hið eina sem
hefði getað breytt því var að
sósíalistar gengju sameinaðir
til átaka. Þar sem það tókst
ekki urðum við að viðurkenna
að kosningarnar nú væru eitt af

fleiri sviðum þjóðmálabarátt-
unnar sem við gætum ekki tekið
þátt í sem skyldi. En því á-
standi viljum við breyta. Því
munum við vinna að sameiningu
sósíalista til þess að þeir geti
tekið þann þátt sem skyldi í
kosningum sem og barattu á
öðrum sviðum þjóðlífsins. Við
teljum að framboð okkar nú,
einna og sér, hefði ekki náð að
þjóða þeim tilgangi.

Baráttan fyrir öflugum verka-
lýðsflokki heldur áfram.

Kemur verkafólki pólitíska baráttan ekki við?

franhald af forsiðu

Í rauninni er Fylkingin að
hafna því, að hægt sé að nota
kosningarnar til þess að skapa
samfylkingu róttækra vinstri-
manna gegn fyrirhugaðri arð-
ránshefð í haldsaflanna.

Vonandi sjá foringjar hennar
að sér og snúa frá þróingsýni
og einangrunarstefnu sinni og
veita þess í stað sameiningu
vinstrimanna lið sitt.

Hvers konar verkefni eru
nærtæk?

Málflytjendur EIK á fund-
inum töluðu margir því máli,
að nær væri að sinna hinum
brýnu og nærtæku verkefnum
hagsmunabaráttunnar, heldur
en að rjúka til kosninga.

Aðrir hylltust að því, að nýta
mætti kosningaslaginn og þá
pólitísku vakningu meðal fjöld-
ans sem hann veldur, til þess
að vinna að uppbyggingu sam-
fylkingar. Síðarnefnda skoð-
unin er einmitt sú sem tals-
menn Kommúnistaflokksins
börðust fyrir. Þeir vildu gera
tilraun til þess að sameina
alla þá sem unnt væri að sam-
eina á róttækum grundvelli
fyrir kosningarnar. Að kos-
ningunum loknum hefði síðan
verið hægt að halda uppbyg-
gingarstarfi samfylkingarinnar
áfram og efla það, bæði innan
fjöldahreyfinganna og á ein-
stökum vinnustöðum.

Fyrirnefnda skoðunin ber hins
vegar keim af fagfélagshyggju
og hafnar raunverulega þátt-
töku verkafólksins og flokka
hans í baráttunni um pólitísk
völd þjóðfélagsins. Það kann
að virðast sem svo, að það
sé "nærtækast" fyrir verka-
lýðinn og flokka hans, að ein-
beita sér eingöngu að hags-
munumálum fjöldans, kjara-
málum og réttindamálum. En
í rauninni er það svo, að
þeir flokkar sem kalla sig
byltingarsinnaða, rísa alls

ekki undir því nafni nema þeir
taki fullan þátt í pólitísku lífi
landsins. Verkalýðsstéttin
á að og verður að, skóla for-
ingja sína á vettvangi þingræð-
isbaráttu og hún má aldrei
láta undir höfuð leggja að
sinna pólitískum verkefnum
samtíðarinnar, aðeins vegna
þess að magafylli og atvinnu-
öryggi virðist í fjötu bragði
"nærtækari" verkefni. Það er
einmitt þessi stefna sem leitt
hefur íslenska vinstri-
stefnu út í ógöngur. Hún er þess m. a.
valdandi, að úrval stjórnmála-
manna Alþýðubandalagsins í
dag, kemur úr röðum mennta-
manna; meðan verkalýðsarm-
urinn á að sinna faglegum mál-
efnum einvörðungu.

Inntak þessarar stefnu er:

verkalýðurinn á ekki að hugsa
um pólitík, heldur magann á
sér. Hann á að eftirláta mennta-
mönnum og sérfræðingunum
pólitíkina. Það er nærtækt verkefni í dag
að skapa breiða pólitíska
fjöldahreyfingu, sem setur sér
það verkefni að steypa auðvaldi-
nu og reisa sósíalískt þjóð-
skipulag á Íslandi. Og það má
einskis láta ófreistað til þess
að byggja slíka samfylkingu
upp. Kosningarnar núna eru
einmitt kjörið færi til þess að
hefja uppbyggingu slíkrar sam-
fylkingar. En slíkt starf út-
heimtir bæði þolinmæði og
sveigjanleika, nokkuð sem
avorki Fylkingunni né EIK
hefur lært á pólitískum ferli
þeirra. Pólitísk barátta er
ekki andstæð kjarabaráttu og
vinstrisinnar eiga ekki að
velja á milli þess að starfa í
fjöldahreyfingunum eða í póli-
tíkinni. Þeir eiga að gera hvort
tveggja. Kjarabaráttan er frum-
stig stéttabaráttu og vinstri-
sinnar verða að læra að vekja
stéttabaráttu meðal fjöldans.

EIK hafa skorast undan því erf-
iða verkefni, sem slíkt upp-
byggingarstarf útheimtir. Að
hvetja til að skila auðu í kos-
ningunum er bara flkjulauf yfir
pólitíska blygðun samtakanna.

En ekki er öll nótt úti enn.
Sköpun samfylkingarinnar verð-
ur að halda áfram.



...í Stutta máli

Frjálst útlarp

Enn á ný hafa umræður um
frjálst útlarp risið. Í þetta
sinn sem liður í þróðkjörbar-
áttu hins svo kallaða verkalýðs-
leiðtoga Guðmundar H. Garð-
arssonar. Öldurnar risu þó
ekki svo hátt að Guðmundur
færi í "öruggt" sæti hjá íhaldinu
í Reykjavík.

Þetta vekur talsverða furðu
þegar höfð er í huga útreið
Þorsteins Pálssonar í sjónvarpi
í fyrra. Þar svæfði Ólafur
Ragnar málið um stund a. m. k.

Hugtakið frjálst útlarp er
nefnilega í meira lagi vafasamt
Útlarp einkareksturs yrði fjarri
því að vera frjálst. Það væri
að sjálfsögðu háð eigendum sín-
um og auk þess auglýsendum.
Það yrði með öðrum orðum
að líkindum háð peningavaldinu
í landinu. Því er það ekkert
undarlegt að einmitt fulltrúar
peningavaldsins eru helstu tals-
menn málsins.

Ef hugtakið frjálst er skoðað
á annan veg, þ. e. að það verði
frjálst að stofna útlarp, þá
sést einnig í andhverfu þess.
Það frelsi myndi takmarkast af
möguleikunum, getunni, aðstöð
unni.

Krafan frjálst útlarp er ein-
ungis krafan um að peningavald-
ið fái að græða á útlarpstreks-
trj og fái þar með líka sterkari
aróðursaðstöðu.



Við tökum undir með Péttri:
Frjálst útlarp, gott og vel,
en hvað með frjálsa fískisölu,
Guðmundur?

Kosningabarátt Kennedy

Undirbúningur fyrir kosningar
í Bandaríkjunum á næsta ári er
að komast á skrið þar í landi.
Og raunar ekki aðeins þar í
landi heldur einnig á Íslandi.

Nýlega var til dæmis kostuleg-
ur fréttauki í íslenska útlarp-
inu. Þar ræddi fréttamaður um
hugsanlegt framboð Edwards
Kennedys. Hann ræddi meðal
annars um að nýðslegt væri
fyrir hann að tilkynna framboð
sitt strax til að missa ekki af
tíma í kosningabaráttunni.

En hvað gerði svo fréttamað-
urinn?

Hann gerði það sama og sjálf-
sagt fleiri fréttamenn. Hann
hélt "framboðsræðu" fyrir Kenn-
edy.

Úti í hinum stóra heimi eru
pólitíkusar greinilega svo klókir
að þeir nota þögn sína til að
verða sér úti um ókeypis kosn-
ingaáróður.

Manni finnst nú að fréttamenn
ættu að sjá í gegn um þetta, a.
m. k. fréttamenn á Íslandi og
þjóða fólk upp á merkilegri
fréttauka en raun ber vitni.

Það er t. d. ekki víkið einu
orði að mismun stóru flokkanna
bandarísku eða á nokkurn hátt
reynt að skýra um hvaða mál
baráttan stendur.

Það er von margra að fréttá-
menn sjái söma sinn í því að
hafa vandaða og upplýsandi
fréttauka í stað þess að endur-
segja erlend fréttabréf.

Verðtryggð lán: Eru þau hagstæðari?



Opinberir starfsmenn héldu fjölmennan úti-fund á Lækjartorgi í fyrsta allsherjarverkfallinu sem þeir hafa háð. Brýnt er að fylgja launakröfunum eftir með verndun kaupmáttarins. Barátta gegn okurvöxtum er liður í því.

hafa hugsað sér, þá er um að ræða óhagstæðari lán.

Það sem er slæmt við núverandi lánakjör er að afborganir plús vextir fyrstu árin eru mjög háar greiðslur samanber töflu I. Á móti kemur að fljótlega lækkar þessi upphæð og verður mjög lág.

Nýju lánin eru hins vegar

framhald af forsiðu

Jæja, hverjar eru þá falsanirnar? Það sem "gleymist" í þessum útreikningi er vísitalan. Það er alls ekki verið að tala um sömu vísitöluna í öllum dæmunum. Hækkun lánsins er reiknuð eftir framfærsluvísitölu að 2/3 og byggingarvísitölu að 1/3, hinn svo kölluðu lánskjarvísitölu. En kaupði í dálki IV hækkar alls ekki samkvæmt þessari vísitölu, heldur eftir kaupgjaldsvísitölu, sem eins og allir vita er framfærsluvísitala mínus ýmsir liðir (áfengi, tóbak, launaliður bónda, viðskiptakjara-rýrnun o. fl.) auk þess sem hún er oftlega tekin úr sambandi. Jafnvel þótt kaupgjaldsvísitala sé tekin úr sambandi þá heldur lánið áfram að hækka samkvæmt lánskjaravísitölu.

Nú skulum við búa til nýjan dalk og kalla hann nr. V. Þar skulum við gera ráð fyrir að kaupði hækki aðeins um 10% á ári næstu 25 ár í stað 30% sem gefin eru í dálki IV.

Þá er kaupði ekki 155.241.216 eftir 25 ár heldur 2.384.838. Eftirstöðvar lánsins verða hins vegar þær sömu því það reiknast eftir allt annarri vísitölu.

Þá fáum við þá niðurstöðu að lántakinn verður að vinna í tæp 5 ár, aðeins til að hafa fyrir síðustu afborguninni.

Þessi lántaki væri að sjálf-sögðu orðinn gjaldþrota löngu áður en að síðustu greiðslunni kæmi. Hann yrði gjaldþrota á 8. - 10. ári en þá væri afborgun in tæp árslaun.

Við þetta má bæta að verðbólga undanfarin ár hefur verið 40 - 50% en alls ekki 30% og að kaup hækkar samkvæmt kaupgjaldsvísitölu hafa verið lægri en verðbólga.

Hver heimtar þetta?

Hver heimtar þessi lánakjör?

Vitaskuld hlýtur það að vera sá sem hagnast á þessu. Ekki lántakinn heldur lanveitandinn. Raunar er dæmið ekki svona einfalt heldur. Fé lífeyrissjóðanna er ávaxtað á ýmsan máta. Meðal annars er það geymt í bönkum. Fé lífeyrissjóðanna er þannig drjúgur hluti af veltufé bankanna; undirritðaur hefur heyrt talað um 1/3 en tekur þó ekki ábyrgð á þeirri tölu.

Aukinn gróði sjóðanna þýðir aukið veltufé bankanna. Þetta fé ávaxtar bankinn á lægri vöxtum en hann lánar það út á. Hann græðir því á lífeyrissjóðunum sem eru vel að merkja uppsöfnuð laun fólksins.

Ríkið hirðir einnig sinn hluta af fénu. Stór hluti þess fer í að kaupa skuldabréf ríkissjóðs.

Lánin eru óhagstæðari

Þessi verðtryggðu lán eru óhagstæðari en þau lán sem nú er boðið upp á. Jafnvel þótt lánin væru verðtryggð miðað við kaupgjaldsvísitölu, eins og sumir

Ár	I. Greiðsla	II. Greiðsla	III. Greiðsla	IV. Laun
1.	750.000 262.2%	234.000 81.8%	382.552 133.7%	286.000
2.	900.000 242.1%	300.144 80.7%	458.378 123.3%	371.800
3.	862.500 178.4%	384.914 79.6%	556.990 115.2%	483.340
4.	825.000 131.3%	493.534 78.5%	685.187 109.0%	628.342
5.	787.500 96.4%	632.683 77.5%	851.843 104.3%	816.845
6.	750.000 70.6%	810.904 76.4%	1.068.495 100.6%	1.061.898
7.	712.500 51.6%	1.039.116 75.3%	1.350.143 97.8%	1.380.468
8.	675.000 37.6%	1.331.273 74.2%	1.716.268 95.6%	1.794.608
9.	637.500 27.3%	1.705.204 73.1%	2.192.217 94.0%	2.332.991
10.	600.000 19.8%	2.183.680 72.0%	2.811.052 92.7%	3.032.889
11.	562.500 14.3%	2.795.772 70.9%	3.615.467 91.7%	3.942.755
12.	525.000 10.2%	3.578.589 69.8%	4.661.207 90.9%	5.125.582
13.	487.500 7.3%	4.579.475 68.7%	6.020.668 90.4%	6.663.257
14.	450.000 5.2%	5.858.821 67.6%	7.787.970 89.9%	8.662.235
15.	412.500 3.7%	7.493.621 66.5%	10.085.460 89.6%	11.260.905
16.	375.000 2.6%	9.582.007 65.5%	13.072.198 89.3%	14.639.177
17.	337.500 1.8%	12.248.998 64.4%	16.954.956 89.1%	19.030.930
18.	300.000 1.2%	15.653.806 63.3%	22.002.544 88.9%	24.740.212
19.	262.500 0.8%	19.999.088 62.2%	28.564.410 88.8%	32.162.276
20.	225.000 0.5%	25.542.696 61.1%	37.094.832 88.7%	41.810.960
21.	187.500 0.3%	32.612.552 60.0%	48.184.384 88.6%	54.354.252
22.		41.625.476 58.9%	62.600.804 88.6%	70.660.528
23.		53.111.028 57.8%	81.342.144 88.6%	91.858.696
24.		67.741.616 56.7%	105.705.888 88.5%	119.416.312
25.		86.370.560 55.6%	137.378.768 88.5%	155.241.216

Tafla V
Laun miðað við 10% hækkun kaupgjaldsvísitölu.

242.000
266.200
292.820
322.220
354.442
389.886
428.874
471.761
518.937
570.830
627.913
690.632
759.795
835.874
919.461
1.011.407
1.112.547
1.223.801
1.346.181
1.480.799
1.628.878
1.791.765
1.970.941
2.168.035
2.384.838

alla tíð svipuð í hlutfalli við launin þannig að lántakinn kemur eð að greiða fleiri mánaðar-lt í allt.

Launþegar eiga þetta fé.

Fé lífeyrissjóðanna er eign launþeganna. Þeir geyma þetta fé og af því eiga þeir að fá lífeyri þegar þess þarf. Ávöxtun fjárens hlýtur því að eiga að vera í samræmi við eignarhaldið. Það er því í fyllsta máta óeðlilegt að launþegar séu einnig látnir standa undir sjóðunum með greiðslu okurvaxta.

Lífeyrissjóður starfsmanna ríkisins

Nú stendur fyrir dyrum breyting á lánakjörum lífeyrissjóðs starfsmanna ríkisins.

Að sögn Kristjáns Torlacius, fulltrúa BSRB í stjórn sjóðsins, eru líkur á að fulltrúar ríkisins og Hæstaréttar muni beita meiri hlutavaldi til að ákveða þessi nýju lánakjör, þ.e. verðtryggð lán, bundin viðskiptakjaravísitölu.

Stjórn BSRB hefur hins vegar

lagt til að verðtryggingin verði bundin kaupgjaldsvísitölu þannig að lánið geti ekki hækkað hraðar en kaupði. Auk þess leggur stjórnin til að venjuleg lán á hæstu fasteignalánávöxtum verði áfram veitt.

Þetta mál má því skoða sem prófstein á það hverjir ráði lífeyrissjóðunum, fulltrúar BSRB eða fulltrúar ríkisins.



Frá mótmælastöðu opinberra starfsmanna meðan samningafundur stóðu yfir.

Askriptargjöld 1979

VENJULEG ÁSKRIFT : KR. 5000.-

BARÁTTU ÁSKRIFT : KR. 7000.-

TIL ÚTLANDA : KR. 13000.-

TIL ÖRYRKJA OG ÉLLILÍFEYRISÞEGA : KR. 500.-



Öreigar og kúgaðar þjóðir heims sameinist!
Stéttabaráttan
 Utg: Kommúnistaflokkur Íslands m-l.
 31. tbl. 8. árg. 6. 11. 1979



STÉTTABARÁTTAN
 - kemur út vikulega -
 Sími: 27810.
 Gíró: 27810-6.

Abyrgðarm: Sigurður
 Ingi Andrésson.

Hjálmundur Heiðd.
 Box 575
 121 R.



Frá kröfugöngu á 1. maí í Reykjavík. Kröfuganga sem EKK og KFÍ stöðu að var einnig farin á Akureyri '76.

Viðtal við Þórarinn Ólafsson „Brýnt er að skapa öfluga hreyfingu”

Þegar Kommúnistaflokkurinn athugaði möguleika á framboði til alþingiskosninga úti um land, var rætt við fólk á ýmsum stöðum á landinu. Hér fara á eftir viðtöl við tvo af þessum mönnum. Fyrst var rætt við Þórarinn Ólafsson símverkja á Húsavík.

STB: Heldur þú að sameiginlegt framboð vinstrimanna hefði fengið einhvern hljómgrunn hér á Húsavík?

Þórarinn: Ég get ekki sagt neitt akveðið um það. Þó tel ég að hér séu nokkuð margir aðilar vinstra megin við Alþýðubandalagið og Alþýðuflokkinn sem hefðu fengist til starfa og þá jafnvel áfram eftir kosningar.

STB: Telur þú að fyrst þessi tilraun KFÍ, að bjóða fram sameiginlegan lista röttækra vinstrimanna, mistókst, þá sé útilok að að ná einingu þessara aflu?

Þórarinn: Nei, það er ekki útilokað. Áftur á móti er það nauðsynlegt að samstaða náist sem fyrst því augljóst er að verkalyðsforystan hugsar eingöngu um pólitík þeirra flokka sem hún er í. Því má sjá að

brýnt er að skapa öfluga hreyfingu meðal verkafólks til að breyta þessari óheillavænlegu þróun.

STB: Hverja telur þú vera helstu gallana á hópnum vinstra megin við Alþýðubandalagið og hvað telur þú framtíðina bera í skauti sér fyrir þessa hópa?

Þórarinn: Óeining og karp um rangar og réttar linur um leið og þeir missa sjónar á hagsmunum verkalyðsins. Nú er ég ekki á móti umræðu um réttar og rangar hugmyndir, slíkt er nauðsynlegt. Umræðan og framþróunin á að fara fram í einum og sama flokki um leið og barist er fyrir hagsmunum verkafólks, pólitískum og faglegum. Sé þetta gert er framtíðin björt að mínu mati.

Viðtal við Hauk Sigurðsson „Samstöðu verður að ná”

Stéttabaráttan hafði samband við Hauk Sigurðsson, formann sjómannadeildar verkalyðsfélagsins á Hellissandi og innti hann eftir álitum hans á sameiginlegu framboði Kommúnistaflokksins, Einingarsamtakanna og Fylkingarinnar og sameiningu íslenskra vinstrisinna. Viðtalið fer hér á eftir.

STB: Af hverju telur þú að áhugi fyrir framboði þessara aðila hafi eflst að undanförunu?

Haukur: Eftir svo stuttan valdatíma vinstri stjórnarinnar svokölluðu, sem taldi sig stjórn verkalyðsins, en sýndi og sannaði að svo var ekki, hlýtur mörgum að hafa orðið það ljóst hve illa það hæfir Alþýðuflokknum og Alþýðubandalaginu, að kalla sig verkalyðsflokka. Þessir flokkar hafa sýnt og sannað í verki og í stjórnum hagsmunasamtaka verkalyðsins, þar á meðal í stjórn Verkamannasambands Íslands, þar sem guðfeðurnir Karl Steinar og Guðmundur Jaki hafa hreiðrað um sig.

Verkamannasamband Íslands studdi þessa ríkisstjórn, hún var mynduð að kröfu verkalyðshreyfingarinnar. Verkalyðshreyfingin ábyrgðist þessa stjórn, þess vegna ber henni að axla þá ábyrgð sem því fylgir. Þetta er okkur sem stöndum vinstra megin við þessa flokka ljóst. Okkur er ljóst að samstöðu verður að ná, til þess að afhjúpa sýndarmennsku Alþýðubandalagsins og Alþýðuflokksins. Samstarf um framboð hefði getað orðið

gott svar við hægri tilburðum þessara aðila. Þess vegna hlýt ég að harma, að Einingarsamtökin skuli ekki hafa séð sér fært að standa að þessu með Kommúnistaflokknum. Þetta er leikur á skákbörð einangrunar, sem þeim á eftir að verða ljóst þegar fram í taflað sækir. Afstaða Fylkingarinnar er algerlega í anda hennar. Hún er allt of önnur kafin sem meðhjálpari í samstarfi við Alþýðubandalagið.

STB: Telur þú að sameiginlegt framboð röttæks vinstrafólks hefði orðið hreyfingu þeirra til framdráttar?

Haukur: Ég held tvímælaust að svo hefði orðið. Framboð hefði verið skref í þá átt að sameina þessa aðila, gera þá að sterkara afli í þjóðfélags- og hagsmunabaráttu verkalyðsins. Það eru til hópar af fólki sem ganga til liðs við röttæka vinstrimenn, ef þeir sýndu það annars staðar en á pappírnum og í umræðum, að áhugi sé fyrir sameiningu. Sameining röttækra vinstrimanna, hlýtur að vera lífsspursmál, ef takast á að byggja upp sterkan verkalyðsflokk, sem hefur hagsmuni verkafólks að leiðarljósi.

STB: Telur þú að halda eigi áfram tilraunum til sameiningar EKKm-l og KFÍm-l?

Haukur: Einskis má láta ófreistað til að svo verði. Við verðum sameiginlega að vinna sem andspyrnumenn gegn stéttsvikum forystu verkalyðsfélaga, anna og vekja upp pólitíska meðvitund meðal verkalyðsstéttarinnar. Það er til fullt af góðu fólki í verkalyðshreyfingunni, sem vantar aðeins forystuafli til að afhjúpa þann loddaraskap sem forystumenn verkalyðshreyfingarinnar stunda. Einbeittum okkur að þessu málefni þá mun okkur veitast best þækifæri sem gefst. Á umræðu fundum, í góðra vina hópi, í verkalyðshreyfingunni, á framboðsfundum (én til þess þurfum við auðvitað að bjóða fram), nýtum við okkur þau áróðurstæki, sem við höfum sjálf byggt upp með launastriti okkar. Látum andstæðinga okkar ekki eina um það. Það er ekki lengur hægt að eyða dýrmætum tíma, fé og fyrirhöfn til þess að karpa um þá hvort Kommúnistaflokkur Íslands sé marxískur-lenínískur eða hvort EKKm-l sé marx-lenínísk. Við erum það. Þið sem um þetta hafið karpað, þið sem eruð blindir, ljúkið upp augum ykkar og sjá, þá mun sameiningarstefnan bera ávöxt um síðir.



Samtök herstöðvaandstæðinga hafa safnað um sig þúsundum manna. Þar starfa saman allir hóparnir vinstramegin við Alþýðubandalagið. Geta þeir ekki starfað saman á öðrum vettvangi líka?

'Askript

Ég undirrituð óska eftir að gerast

áskrifandi að STÉTTABARÁTTUNNI.

Nafn:

Li:

Sendist til: STÉTTABARÁTTAN
 Pósthólf 1357
 121 Reykjavík